

MME UTOM OBUKIDEM YE MFRI SPIRIT

Ñwed Mbon Galatia 5:16-26; 6:1-10.

QYQHỌ UKPEP-ÑKPỌ 400

Eke Mkparawa

IKỌ IBUOT: “Ete Mi ada ubọñ ke eriñwum emi mbufo eñwumde mfri ekese; ntem ke mbufo edidi mbet Mi” (John 15:8).

Edimana Ke Spirit

Owo emi amanade oduk ke ubon Abasi ọfiok ini emi okotibede. “Spirit ke Idem Esie etiene Spirit nnyin edi ndiense ete, nnyin idi nditọ Abasi” (Ñwed Mbon Rome 8:16). “Mmọdo ubiom-ikpe iduhe aba inọ mmọ emi edude ke Christ Jesus” (Ñwed Mbon Rome 8:1). Oro edi akamba ukpuhọre!

Owo enyene ndibem iso nnyene ubiom-ikpe ke abañā mme idiok-ñkpọ esie mbemiso enyañā enye, ndien ke ema ekenyañā enye, enye inamke aba idiok-ñkpọ, mmọdo enye inyeneke aba ubiom-ikpe. Ediwak owo esitiñ ikọ ntiense ebañā akpanikọ emi ete, ke Jesus efende ke mme idiok-ñkpọ mmọ, mmọ ekop nte emende mbiomo mmọ efep ukem nte ekpemende ndodobi mbiomo ini kiet ke edem mmọ efep. Ata ewet-ñwed ama ewet ete: “Ofuri ererimbot ama akabare enyene obufa uyai ke ini enyin okokutde edidem.” Uwem edi obufa ke ini itọñqde ntak imana. Ema ekot nnyin “osio ke ekim esin ke utibe uñwana” (Peter 2:9).

Paul Owo-mbet ama owuk mbon Galatia ete, “Esañā ke Spirit, ndien mbufo idinamke se idọñde obukidem” (Ñwed Mbon Galatia 5:16). Edieke nnyin “isañade ke Spirit” nnyin idinamke mme idiok-ñkpọ. Akamba ukpuhọre odu ke ufọt owo Abasi ye anam-idiok. Mme udọñ esit mmọ edi isio. Edieke owo ọdọhọde ete ke imọ idi owo Abasi edi enye ke oyoyom mme inemesit ererimbot, mme ayatde esit ke ini enye minyeneke usuñ esie, mme enye ndisua mmọ emi midaha ye enye, enye ababiañā idem esie. Owo emi anamde mme utọ ñkpọ ntre idighe Anditiene-Christ.

Mme Utom Obukidem

Paul ama asiak mme idiok-ñkpọ, emi enye okokotde “mme utom obukidem.” Emi edi mme ñkpọ eke owo emi mimanake obufa ekemedede ndinam. Ndusuk mmọ edi ata idiok-ñkpọ emi mme ọdiọñq- idem owo mikpekereke ndinam. Edi mmọ eken edi mme idiok-ñkpọ emi ata ediwak mmọ emi ekotde idem mmọ nditọ Abasi eduede ke esit. Nte uwut-ñkpọ, usua ye ufup. Edi mmem-mmem ñkpọ owo ekededi ndidue ke idiok-ñkpọ ufup edieke Abasi mitọñqke ntak ibon enye. Ndusuk nditọwọñ esiyom mme ñkpọ-mbre emi mme ufan mmọ enyenede. Ndusuk eyeyat esit koro enqde ufan esie ukpono ekan enye. Ndusuk eseme idem koro mmọ efen enyene uwak okuk ndibiat ñkan mmọ. Ana nte anam-idiok anam mme ñkpọ ntre; edi nditọ Abasi enyene nditim ñkpeme idem mmọ kpukpru ini ke abañā mme utọ ekikere emi. Satan eyedomo fi, ndusuk enye eyedọhọ ete, afo omodot ndinyene mme ñkpọ eke efonde ekan se afo enyenede. Edieke akpañde utọñ ọnọ enye, enye eyenam fi onim ete imọ imenen, ndien afo eyeduok erinyañā emi Abasi ọkọnqde fi. Ti ete, satan edi osu-nsu. Abasi etiñ ọnọ nnyin ete: “Kuyat esit ubañā mme oburubut owo. Kufibe ufup ye me anam-idiok” (Psalm 37:1). “Ima enyenyene anyan ime, onyuñ ọfọn ido; ima ifibeke ufup” (1 Ñwed Corinth 13:4). Edieke nnyin inyenede ima Abasi ke esit nnyin, eyedi nte edọhọde ete “Eda ima nditọ-ete ema kiet eken; esọp ndikpono kiet eken” (Ñwed Mbon Rome 12:10).

Ndusuk owo ekere ete, edieke ema ekenyañā mmọ ini kiet, “mme utom obukidem” ekededi eke mmọ enamde ifinake; edi ke mmọ eyesuk eka Heaven. Edi Paul, owo-mbet ọkọdọhọ ete: “Mmọ emi enamde oruk ido eke etiede ntem ididaha obio ubọñ Abasi inyene” (Ñwed Mbon Galatia 5:21).

Mfri Spirit

Paul etiñ ọnọ nnyin se mfri Spirit edide emi anditiene-Christ emi ama akamana obufa enyenede. “Edi mbuñwum Spirit edi ima, ye idaresit, ye emem, ye ime, ye mfọn-ido, ye eti ido, ye erinam akpanikọ, ye ifure-ifure ido, ye mfara ke idem; baba ibet kiet ibiọnọke oruk edu emi” (Nwedi Mbon Galatia 5:22, 23).

Ima

Yak nnyin ikere ibańa mfri emi. Akpa edi “ima”. Nnyin ima ikpep ke mbemiso ukpep-ńkpọ ite, “ima inamke mbọhiduń idiọk, ntem ima edi edinim ibet mma” (Nwedi Mbon Rome 13:10). Emi edi ata edisana ima Abasi. Ekediọnọ John, owo-mbet nte owo-mbet Ima, ndien enye ama ọdọhọ ete, “Owo eke mimańa-ma ifiọkke Abasi, koro Abasi edi ima . . . Ima odu ke oruk usuń emi, itoho ke emi nnyin ikamade Abasi, edi oto ke emi Abasi akamade nnyin, onyuń osiode Eyen Esie ọdọń, ete, edidi usio-isop mme idiọk-ńkpọ nnyin. Ndim, edieke Abasi akamade nnyin ntem, nnyin nde ikpama kiet eken” (1 John 4:8, 10, 11). Enye onyuń ọdọhọ ete: “Ndik isineke ke ima; edi ima eke ọfọnde ama ebin ndik efep” (1 John 4:18). Abasi oyom nnyin ima ndinam ńkpọ nno enye ke usuń nte ikekeme ke kpukpuru ńkpọ ndińwam mme anam-idiọk ndiyom Andinyańa.

Idaresit

Mme anditiene-Christ edi mbon inemesit. Abasi edi Ete mmọ, mmọ enyuń efiọk ete ke Enye ama mmọ. Ema eyet mme idiọk-ńkpọ mmọ efep, ubiomikpe ọnyọń, mmọ edi nditọ Obio Ubọń. Mmọ enyene ntọtuńọ inemesit ke esit mmọ emi anamde ikwọ otop ọwọrọ okposuk edi nte mmọ esańade ebe ke ikań-ikań idomo, ke ini ekọbọde mmọ, ke ini ńkpọ ọfọnde ye mmọ me edude ke ọkpọsọń mfuhọ. “Idaresit Jehovah edide odudu mbufo” (Nehemiah 8:10).

Emem

Emem edi se mme angel ekekwođe ebańa ke ini mmọ ekenode etop emana Jesus. “Ubọń enyene Abasi ke ata enyoń. Emem onyuń odu ke isọń ke otu owo emi Enye enende iso ye mmọ” (Luke 2:14). Emem ikemeke ndidu ke isọń ke ini esinde Jesus, koro Jesus edi “Ọbọń Emem” (Isaiah 9:6).

Ke ini Jesus okoyomde ndikpoń ererimbot emi, Enye ama etiń ye mbet Esie abańa se Enye ekemedede ndinọ mmọ. Enye ikenyeneke mme ńkpọ ererimbot emi, inyeneke okuk, inyeneke isọń, inyeneke mme ufene. Eketie nte Enye ikenyeneke se Enye edikpońde onim ọnọ mmọ emi Enye edikpońde. Edi Jesus ama ọdọhọ ete, “Nkpọń emem ye mbufo; nyak emem Mi nno mbufo: idighe nte ererimbot ọnọde ke Ami nno mbufo. Ekuyak esit etimere mbufo, ekunyuń eyak esit mbufo ekop ndik” (John 14:27). Nso utọ inyene! Nta mme enyene okuk ekpema ndinọ ofuri inyene mmọ man enyene emem oro, edi mmọ ikpekemeke ndidep enye ke okuk. Owo emi etienede Ọbọń ke ofuri esit esie edi owo emi enyenede emem oro.

Anyan-Ime

Anyan-ime ke ikọ efen edi ndime ime. Mmọ emi enyenede ime iwakke! Edi Ọbọń oyom ikọt Esie enyime ndibet ini Esie man ekut nte uduak Esie ọwọrọde osu. Enye oyom nnyin ime ime ye kiet eken ńko, ikunyuń iyat esit ke ini mme ńkpọ misańake ikekem nte nnyin iyomde usọp-usọp.

Ifure-Ifure Ido

Andiwet Psalm ama ewet abańa Ọbọń, “Mmem-ido Fo onyuń oforo mi” (Psalm 18:35). Jesus oyom nditọ Esie enyene ukem ido Esie. Jesus ekedi suń-suń owo, ndien Enye oyom nditọ Esie etie suń-suń. Ema enam Enye ńkpọ but mbemiso edikọń Enye ke Krọs, edi ke ini ekesuńide Enye “isuńike usiene, ke ini Enye ebete ke ndutuhọ, Enye itińke ikọ ndighe; edi ayak ikọ Esie esin ke ubọk Andikpe edinen ikpe (1 Peter 2:23). Enye ikodomoke ndiwut iyaresit, edi ayak mmọ emi ekediọkde ye Enye ọnọ Abasi ndinọ mmọ ufen.

Eti Ido

Ndusuk mkparawa iyomke ndidi nti mkparawa. Mmọ enyene ndik ete ke mme ufan mmọ eyekere ete ke mmọ edi “mmem-mem”. Edi idaha ọkpọsọń edu uwem ndikeme ndisańa ye otu owo. “Obukpo

iyak ekeme ndifiqro nnyon usuk idim, edi odu-uwem iyak ekeme ndibiok ke usop-mmoh". Ema enehere etin ete: "tim fiok ete ke afo emenen ndien qosn ada. Ke akpa eyekahn fi, ekem eyedara fi nte abasi. Ke akpa eyesin fi, ekem eyedara fi. Ke akpa, eyekpana-nsa ebaña fi, edi ke qosnqode ada, eyedara fi nte eti uwut-nkpq. Akpa, eyedi nkpq esuene, akpatre eyekabare edi nkpq idara. Akpa, etin ebiate, ekem eda nte nkpq-uto. Akpa isuni, ekem nkpq inemesit. Akpa edi idomo, ndien erikan etiene. Akpa edi kros, ndien anyanya etiene. Ke kpukpru nde unan emi odude fi ke okpo iso, afo eyenyene anyanya ubon. Da ke ebiate kiet nyun yak mme owo efiok ebiate eke afo adade. Da no nkpq nyun nam mme owo efiok se afo adade onq. Tim fiok ete ke imo imenen, ndien tuak da!

"Uko obukidem, emi esinde kpukpru ndik ke ndek, eyenam owo enyene uko ke usun kiet; ndien nti edu-uwem ye uko, emi ofumide kpukpru ekikere, eyenam owo edi uko ke usun efen. Man owo edi nworo-nda owo, oyom nkpq mbiba emi!

Mbuotidem

"Ke mbuotidem miduhe, owo ikemeke ndinem Abasi esit" (Mme Hebrew 11:6). Nkpq ekedede eke inyenede ito Abasi ida mbuotidem ibo. "Enye edi Andino mmq emi eyomde Enye utip". Adaña nte iyakde idem nnyin ntotonq inq Abasi, nte ke Enye edinq nnyin mbuotidem eke okponde.

Ifure-Ifure Ido

Iko odohq nnyin ete, "Ofofon onq mmq eke enyenede ifure-ifure ido: koro mmq eyedara ison enyene" (Matthew 5:5). Mme owo ekpa utom ndinum mme inyene ke ison, ndinyene mme ufok ye ison. Mbon mbre ukara edediqn ekq mme inyene ison enq idem mmq. Ema etin ebaña Akwa Alexander ete ke ini enye ama akakan ererimbot emi okodude ke ini oro ke ekqn, enye ama atua eyet koro mme ererimbot efen mikoduhe aba inq enye ndikan. Enye ama onq mme ikpo obio 16 enyih adian idemesie, enye ama akpa mbemiso enye edisim isua 33 ke emana, ndien kpukpru se enye okokode ema etak. Edieke nnyin inamde akpanikq nte mme anditiene-Christ ke ererimbot emi, Obon omqonwoqn ete nnyin iyekara ererimbot emi ye Enye. "Edieke imede ime, iyeda ubon ye Enye" (2 Nwed Timothy 2:12).

Mfara Ke Idem

Ndifara ke idem edi ndinam kpukpru nkpq nte odotde. Ndusuk mbre inemesit emi idiok-nkpq miduhe ke esit ekeme ndikabare ndi idiok-nkpq onq nnyin edieke inamde enye ibe adaña. Ndiyuhq udia nkaha kpukpru ini ekeme ndida akamba mfina nno ikpohidem nnyin, ndien oro nko edi se idiokde. Edieke nnyin imade Jesus, inyun iyomde ndinem Enye esit ke kpukpru se nnyin inamde, nnyin iyekpeme idem nnyin ke mme nkpq emi.

Ndisioño Owo Ndo

Obon ama ekpep nnyin nte ikpodude uwem, edi Enye iyomke nnyin isioño mmq efen ndo. Abasi ofiok esit, Enye eyekpe ikpe. Nnyin ifepke enyin inyun inyimeke inq idiok-nkpq, edi nnyin inyene ndikpeme man nnyin ikudue ke mme nkpq emi nnyin mimaha ndikut mbon efen enamde.

Ke ini nnyin idude uwem ndinem Abasi esit, nnyin imekeme ndinyene idorenyin ndibq akwa utip, "se ededi owo otode, oro ke enye edinyun odok". Nkpri utom mfonido, mme ikq ima ye nsqn-idem eke itinde inq mbon efen, ke ewewet mmq enim enq nnyin ke Heaven. Ke enyun ewet mme ndiq edinam nnyin enim ibohoke nnyin ima ibeñe Jesus ndiyet mmq mfep ke Iyip Esie. Edieke nnyin inamde se ifonde, Obon eyenq nnyin utip; edieke inamde idiok, Enye eyebiom nnyin ikpe onyun onq nnyin ufen.

Paul, owo-mbet eketre ikq esie ye, "Eyak ikukpa mba ke edinam eti nkpq; koro ke edikem ini nnyin iyedok mbunwum, edieke nnyin miyakke idem emem nnyin". Abasi enyene akwa utip ye ubon onq mme anam akpanikq. Ndusuk ini mme owo ekeme ndikere ete ke mmq efen ikwe nti edinam mmimq, inyun idarake se mmimq inamde. Edi Abasi ke onim mme nwed, ndien edieke nnyin imede ime tutu osim utit, nnyin iyebq Anyanya Uwem. Paul akakpa ye idorenyin ubon emi: "Ema enim anyanya eti ido ebeñe mi, emi Obon kpa edinen Ebierikpe, edinode mi ke usen oro; idinyun inohq mi ikpon, edi eyenyun onq kpukpru mmq emi emade eriyarare Esie" (2 Nwed Timothy 4:8).

MME MBUME

- 1 Nnyin isaña didie idiõñọ ke ini enyañade nnyin?
- 2 Nọ mme ukpuhọre emi edude ke ufọt anam-idiọk ye eyen Abasi.
- 3 Bat mme mfri Spirit.
- 4 Nso ke Jesus ọkọnọ mbet Esie mbemiso Enye akpa?
- 5 Nso idi anyan-ime?
- 6 Nam añwaña se Nwede Abasi etiñde abaña mfara ke idem.
- 7 Nnyin inyene ndinam didie ye owo emi eduede?
- 8 Nso ke mme owo edidọk ke utit uwem mmọ?
- 9 Nso ke Paul eketiñ ete ke enim enọ imọ ke ini imọ ima ikpọñ ererimbot emi?